



SVEUČILIŠTE / UNIVERZITET "VITEZ"

VITEZ

Bosna i Hercegovina, Školska 23 72270 Travnik

Studentska služba Tel: 030 509 750; 030 509 761; 030 509 762; Fax: 030 509 759; E-mail: studentska.sluzba@unvi.edu.ba; **Nastavna služba** Tel: 030 509 755; E-mail: nastavna.sluzba@unvi.edu.ba; **Management** Tel: 030 509 754; E-mail: uprava@unvi.edu.ba; **Pravna služba** 030 509 753; E-mail: pravna.sluzba@unvi.edu.ba; **Finansije** Tel: 030 509 755; E-mail: racunovodstvo@unvi.edu.ba; **Informaciono-komunikacioni centar** Tel: 030 509 757; E-mail: salim.sabic@unvi.edu.ba; **Biblioteka**: E-mail: biblioteka@unvi.edu.ba
www.unvi.edu.ba

**OSNOVNE INFORMACIJE O INTEGRALNOM
INFORMACIONOM SISTEMU - UNISIS**

Univerzitet VITEZ Vitez je jedan od vodećih Univerziteta u regionu u segmentu informatizacije i primjeni informacionih tehnologija u svrhu podrške nastavi kao i u ukupnosti primjene informacionih tehnologija u svim sektorima rada Univerziteta, od primjene najmodernijih informacionih tehnologija u svrhu multimedijalnih prezentacija u učionici, eServisa, Web stranica, E-Learning sistema, E-mail servisa i Univerzitetskog Informacionog Sistema (*Unisis*). Na ovaj način se podiže kvalitet nastave a studentima je na raspolaganju širok spektar elektronskih servisa putem kojih na jednostavan način, brzo i efikasno mogu doći do informacija a i obavljati poslove i komunikaciju sa nastavnim osobljem kao i službama Univerziteta sa udaljenih lokacija, bez obaveze za fizičkim prisustvom u studentskoj službi ili u svrhu konsultacija sa nastavnicima.

eServisi su dizajnirani tako da krajnjim korisnicima nisu potrebna napredna znanja, već samo osnovno poznavanje rada na računaru i Internet okruženju, a s obzirom da živimo u Informacionom dobu, studenti koji se nisu susretali sa informacionim tehnologijama, uz studiranje i svakodnevni rad sa našim servisima i pripremama zadaća (seminarski radovi, prezentacije), steći će vrlo cijenjena kolateralna znanja iz oblasti informacionih tehnologija, bez kojih je danas nemoguće započeti karijeru, a našim završenim studentima će u njihovom daljnjem radu biti od velike pomoći.

Unisis

Unisis je web aplikacije na koju student može da pristupi sa svojim pristupnim podacima sa bilo koje lokacije sa pristupom na Internet. Osnovna namjena aplikacije je da obezbjedi softversku podršku za svakodnevne operacije koje obavljaju studenti u okviru nastavnog procesa. Neke od funkcija su:

- ✓ Pregled obavještenja službi i obavještenja vezanih za nastavu,
- ✓ Prijavljivanje ispita i testova,
- ✓ Pregled rasporeda nastave i testova,
- ✓ Slanje zahtjeva za izdavanje dokumentacije,
- ✓ Pregled ocjena i detaljne statistike (elektronski indeks),
- ✓ Pregled rezultata bodovanja,
- ✓ Poništavanje testova, seminarski radova, prezentacija i studija slučaja,

Unisis je namijenjen za rad i pristup informacijama studenta, svaki student ima svoje korisničko ime, kao i pristupne podatke koje će mu biti dodjeljene od Studentske službe ili IT Managementa bez naknade pri upisu na Fakultet.

Podmoduli su podijeljeni u blokove unutar početne stranice, a opisani su;

Nastavni Plan i Program; pregled predmeta na koje je student upisan u toku tekuće akademske godine, podijeljene po semestrima. Klikom na određeni predmet student može da vidi stanje bodova, ocjenjivanja, i aktivne zadaće (Seminarske radove, Case study i sl.), te polja za unos i slanje radova.

Studenti šalju seminarske radove putem Informacionog sistema. Na taj način se lakše prati napredak studenata, olakšava i ubrzava protok informacija, kao i povećava sigurnost jer su svi radovi na jednom mjestu unutar sistema a uz centralizaciju povećava se osiguranje od plagijarizma.

Elektronski indeks; Studenti mogu u bilo koje vrijeme i sa bilo koje lokacije sa pristupom na Internet da pregledaju i prate svoj napredak na osnovu bodovanja aktivnosti (Kolokvijumi, seminarski radovi, prisustva i sl.), te na taj način imaju uvid u položene predmete, predmete koji slijede i prosjek ocjena.

Dokumentacija; Studenti imaju mogućnost da pošalju kroz sistem dokumentaciju koju su do sada podnosili na šalteru studentske službe.

Raspored časova; Studentu je 24/7 na raspolaganju raspored predavanja, vježbi i ispita u elektronskom obliku za predmete koje sluša.

Oglasna ploča; Student može da vidi važne novosti, vezane za evidenciju bodovanja, ocjenjivanja radova ili konačne ocjene. Student u ovom bloku dobija sve važne obavijesti od studentske službe, nastavnika ili generalne systemske obavijesti.

Unisis modul za provjeru plagijata

Pomoću modula za projeveru plagijata, a koji je integrisan unutar Integralnog informacionog sistema, nastavnici mogu u par jednostavnih koraka da projevjere Seminarske radove, diplomske I magistarske radove. Modul pomoću algoritma provjerava sve dostupne izvore podataka u kojima se može pronaći tekst koji se nalazi u radu. Moguće je pretraživati određenu riječ, rečenicu ili kompletan rad.

eNastava

Na Univerzitetu VITEZ Vitez, implementira se tzv. Blended (kombinovani) odnosno hibridni model nastave u skladu sa Bolonjskom deklaracijom, koji podrazumjeva klasična predavanja i radionice u učionici (Ex-Katedra) potpomognuto odnosno kombinovano sa eLearning tehnologijama.

Na taj način studentima su dostupni svi materijali i literatura za učenje u elektronskom obliku u svako doba dana i noći sa bilo koje lokacije sa pristupom Internetu, koji su prethodno pripremljeni i prilagođeni za eLearning od strane vodećih stručnjaka iz oblasti instrukcionog dizajna, razvoja LMS i online kurseva. Svi materijali za sve predmete se nalaze na Univerzitetskom ELS (E-Learning Sistemu), i dostupni su studentima koji se upišu na Fakultet i pri tome im se dodjeljuju pristupni podaci za ELS.

eMail

Univerzitet VITEZ Vitez je ponosan na činjenicu, da je jedini Univerzitet u regionu koji svim svojim upisanim studentima prilikom upisa besplatno dodjeljuje elektronsku adresu

(eMail), na besplatno korištenje za vrijeme studiranja na bilo kojem od Fakulteta pri Univerzitetu.

Studentima je time olakšan način komunikacije sa nastavnim osobljem kao i službama Univerziteta, a pozitivni faktori su i ušteda vremena kao jednog od najvažnijih i jako ograničenih resursa u radu studenta ali i činjenica da student ne moraju fizički biti prisutni za obavljanje aktivnosti u studentskoj službi ili zakazivanje termina za konsultacije sa nastavnim osobljem, to sve mogu na jednostavan način obaviti elektronskim putem, jer je eMail jedan od najvažnijih alata za kolaboraciju prema svjetskim standardima za eLearning.

Datum:
26. 03. 2012. god.

Direktor Informaciono-komunikacionog Centra
Salim Šabić dipl. men. IT
